

Upravni odbor Fonda zdravstvenog osiguranja Brčko distrikta BiH na osnovu člana 13, stav (1), tački f) i h) Statuta Fonda zdravstvenog osiguranja Brčko distrikta BiH („Službeni glasnik Brčko distrikta BiH“, broj: 17/07, 1/08, 3/15, 7/15, 41/16, 42/17 i 50/18) i člana 26, stav (4) Odluke o utvrđivanju osnovnog paketa zdravstvenih usluga iz obaveznog zdravstvenog osiguranja („Službeni glasnik Brčko distrikta BiH“, broj: 33/12) na 35. redovnoj sjednici održanoj 03.06.2020. godine, donosi

P R A V I L N I K

O IZMJENI I DOPUNI PRAVILNIKA O NAČINU I POSTUPKU OSTVARIVANJA PRAVA NA ORTOPEDSKA I DRUGA POMAGALA OSIGURANIH LICA FONDA ZDRAVSTVENOG OSIGURANJA BRČKO DISTRIKTA BiH

Član 1

U Pravilniku o načinu i postupku ostvarivanja prava na ortopedska i druga pomagala osiguranih lica Fonda zdravstvenog osiguranja Brčko distrikta BiH, broj: 015-180/7-UO-3/16 od 28.01.2016. godine, broj: 015-180/7-UO-3/16-1 od 14.04.2016. godine, broj: 015-180/7-UO-3/16-2 od 02.07.2019. godine i broj: 015-180/7-UO-3/16-3 od 26.08.2019. godine u članu 8 stavu (2) broj: „30“ zamjenjuje se brojem: „90“.

Član 2

U članu 9 stavu (2) broj: „40“ zamjenjuje se brojem: „90“.

Član 3

Član 17 mijenja se i glasi:

„Član 17

(Kontrola ispravnosti i funkcionalnosti pomagala)

- (1) Isporučilac za pomagala koja se izrađuju po mjeri i koja imaju garanciju proizvođača, prilikom izdavanja pomagala osiguranom licu garantuje ispravnost pomagala, daje uputstvo o korištenju, održavanju, pravu na reklamaciju, servisiranje, garantni list ili potvrdu o garanciji.
- (2) Za pomagala koja se izrađuju po mjeri i koja imaju garanciju proizvođača isporučilac je dužan da Fondu, uz obrazac Prijedloga za nabavku/popravku ortopedskog i drugog pomagala i račun, dostavi i fotokopiju garantnog lista.
- (3) Za pomagala koja se izrađuju po mjeri, provjeru i potvrdu funkcionalnosti i ispravnosti pomagala vrši nadležni doktor.
- (4) Izuzetno od stava (3) ovog člana, za ortodontska pomagala po mjeri nadležni doktor vrši isključivo provjeru da li je osigurano lice preuzelo izrađeno pomagalo.
- (5) Fond vrši plaćanje pomagala iz stava (1) ovog člana nakon izvršene provjere i potvrde funkcionalnosti i ispravnosti istog u skladu sa stavom (3) ovog člana.
- (6) Fond vrši plaćanje ortodontskih pomagala po mjeri nakon izvršene provjere iz stava (4) ovog člana.
- (7) Ukoliko korisnik i nakon izvršene kontrole propisane stavovima (3) i (4) ovog člana smatra da mu pomagalo izrađeno po mjeri nije funkcionalno odgovarajuće može uložiti prigovor Drugostepenoj ljekarskoj komisiji, putem Fonda.
- (8) Po prigovoru iz stava (7) ovog člana Drugostepena ljekarska komisija donosi odluku. Odluka komisije je konačna.
- (9) Ako Drugostepena ljekarska komisija odlukom utvrdi osnovanost prigovora, isporučilac je obavezan da o svom trošku otkloni nedostatke.
- (10) Za pomagala – gotove proizvode kontrolu vrste i količine pomagala vrši osigurano lice prilikom prijema.“.

Član 4

(1) U Listi ortopedskih i drugih pomagala u rubrici: „**6. ORTODONTSKA POMAGALA**“ pomagalo pod šifrom 6.1 mijenja se i glasi:

Šifra pomagala	Naziv pomagala	Kriterijumi za propisivanje i odobravanje (medicinska indikacija)	Utvrđivanje med.indikacije i prijedlog za nabavku/popravku pomagala	Rok korišćenja/količina koja se odobrava	Način izrade pomagala	Jed. mjere	Nadležnost odobravanja nabavke/popravke pomagala	Ukupan iznos na teret Fonda
6.1	Mobilni ortodonski aparat bez zavrtnja (gornja i/ili donja vilica)	Za ispravljanje anomalija vilica za djecu do 18 godina	Dr specijalista stomatolog/ ortodont iz ugovorne zdravstvene ustanove BD	Prema mišljenju doktora specijaliste stomatologa/ ortodonta	Po mjeri	kom	Nadležni referent u Fondu	193,00

(2) U Listi ortopedskih i drugih pomagala u rubrici: „**7. POMAGALA KOD ŠEĆERNE BOLESTI**“ pomagala pod šiframa 7.2, 7.3 i 7.4 mijenjaju se i glase:

Šifra pomagala	Naziv pomagala	Kriterijumi za propisivanje i odobravanje (medicinska indikacija)	Utvrđivanje med.indikacije i prijedlog za nabavku/popravku pomagala	Rok korišćenja/količina koja se odobrava	Način izrade pomagala	Jed. mjere	Nadležnost odobravanja nabavke/popravke pomagala	Ukupan iznos na teret Fonda
7.2	Dijagnostička traka za mjerenje šećera u krvi	Intenzivirana inzulinska terapija kod djece do 18 godina, trudnica i oboljelih od dijabetesa tip I	Dr specijalista porodične medicine iz ugovorene zdravstvene ustanove BD (na osnovu nalaza interniste, pedijatra, endokrinologa)	1800 komada godišnje (prijedlog se izdaje za četveromjeseč ne potrebe)	Gotov proizvod	kom	Ljekarska komisija Fonda	0,63
7.3	Dijagnostička traka za mjerenje šećera u krvi	Ostali (osim tačke 7.1) na intenziviranoj inzulinskoj terapiji - oboljeli od dijabetesa tip II	Dr specijalista porodične medicine iz ugovorene zdravstvene ustanove BD (na osnovu nalaza interniste, pedijatra, endokrinologa)	720 komada godišnje (prijedlog se izdaje za četveromjeseč ne potrebe)	Gotov proizvod	kom	Nadležni referent u Fondu	0,63
7.4	Dijagnostička traka za mjerenje šećera u krvi	Ostali (osim tačke 7.1 i 7.2) na intenziviranoj inzulinskoj terapiji - oboljeli od dijabetesa tip II	Dr specijalista porodične medicine iz ugovorene zdravstvene ustanove BD (na osnovu nalaza interniste, pedijatra, endokrinologa)	360 komada godišnje (prijedlog se izdaje za četveromjeseč ne potrebe)	Gotov proizvod	kom	Nadležni referent u Fondu	0,63

(3) U Listi ortopedskih i drugih pomagala u rubrici: „7. POMAGALA KOD ŠEĆERNE BOLESTI“ iza pomagala pod šifrom 7.2 dodaje se pomagalo pod šifrom 7.2.1 koje glasi:

Šifra pomagala	Naziv pomagala	Kriterijumi za propisivanje i odobravanje (medicinska indikacija)	Utvrđivanje med.indikacije i prijedlog za nabavku/popravku pomagala	Rok korišćenja/količina koja se odborava	Način izrade pomagala	Jed. mjere	Nadležnost odobravanja nabavke/popravke pomagala	Ukupan iznos na teret Fonda
7.2.1	Dijagnostička traka za mjerenje šećera u krvi	Osigurana lica od četvrte do navršene osamnaeste godine života, oboljela od šećerne bolesti (dijabetes tip I) na intenziviranoj terapiji insulinom, kojima je odobrena nabavka aparata i senzora za kontinuirano mjerenje šećera u krvi	Dr specijalista porodične medicine iz ugovorene zdravstvene ustanove BD (na osnovu nalaza interniste, pedijatra, endokrinologa)	360 komada godišnje (prijedlog se izdaje za četveromjeseč ne potrebe)	Gotov proizvod	kom	Nadležni referent u Fondu	0,63

Član 5

Ovaj pravilnik stupa na snagu danom donošenja, primjenjuje se od 01.07.2020. godine i objavljuje na službenoj internet stranici Fonda.

Broj: 015-180/7-UO-3/16-4

Brčko, 03.06.2020. godine

Dostaviti:

- Predsjedniku UO
- Direktor
- Zamjeniku direktora
- Stručnom savjetniku direktora za oblast zdravstvenog osiguranja
- Šefovima Službi (3x)
- Internom kontroloru
- Web
- Evidenciji
- Arhivi

**PREDSJEDNIK
UPRAVNOG ODBORA**

doc. dr. med. sc. Zoran Tošić, s.r.